

廣東通志


卷五十六

閣文庫		
三九六九	六九二	一四六函
號	冊	架
漢書類		

內閣文庫		
三九六九	六九二	二九二函
號	冊	架
漢書類		
(一五五市)		

內閣文庫		
番號	漢	3969
冊數	692 (551)	
函號	291	97

五五一



廣東通志卷第五十六



淺草文庫

列傳十三

人物三

宋上

李廷珙連州人也其祖佐唐有功父處顏善屬文明
 宗天成間佐征淮甸累功為武軍節度幕府掌文翰
 廷珙猶在襁褓而處顏沒遂寄食母家幼岐嶷不群
 其舅器之曰此千里駒也其志若長當追風矣以勳
 閩初調番禺簿時群雄割據劉氏擅廣左馬氏流離
 聚集郴連廷珙懼禍出仕南漢為土軍都知兵馬使
 時劉鋹為不道屠戮忠良且戕其骨肉殆盡橫征暴
 斂民不聊生廷珙知其必亡以乾德四年四月款塞



廣東通志卷第五十六

列傳十三

宋上

效順太祖嘉其忠義詔授郴州沿邊招收指揮使銀
青光祿大夫檢校工部尚書持節春州刺史兼御史
大夫上柱國廷珙感激明年獻策平南漢開寶三年
詔潭州防禦使潘美爲桂州行營都部署尹崇珂爲
副廷珙之出師下賀州復下韶桂將東攻連
山南漢將盧杞戍騎田嶺嶺號咽喉地王師力攻敗
績廷珙引大兵出春陵屯平陽去枝屯百餘里聞枝
堅壘以拒潘美憂形于色廷珙進曰枝衆皆廷珙故
部曲願輸忠久矣若招之必下乃單騎揚旗揮之果
謹譟而降燒壘遁去餼聞枝遁內外震恐所遣諸將

敗還宋諸軍連克捷明年二月南漢平皆廷珙嚮導
之力也詔爲廣西總管招討使取五管餘逆望風歸
附詔廷珙入覲勞賜有加改其所居鄉爲奉化官至

刑部尚書

據廣州人物傳
惠州志系脩

古成之字亞奭本惠州河源人五季末避地貫增城
性簡靜寡嗜慾嘗結廬羅浮山力學不怠淹貫群籍
時或吟咏以自適出語皆驚人文譽殷殷動四方宋
初干戈甫息嶺嶠文風未振每取士合一路以一人
薦衆推成之雍熙改元充秋賦督府勸駕詩云寰中
有道逢千載嶺外觀光只一人蓋紀實也明年上春

官有司奏以梁顛第一成之第二預傳聞焉有張賀
劉師道者嫉廣南人居其上乃召成之夜飲密置啞
藥于食中比黎明臚唱成之暗不能應是科上初唱
名賜第怒其不恭命扶出之然惜其才因宣諭曰卿
宜勉學以圖後舉朕將虛席待卿既報罷或勸訟以
自明成之殊不色憾曰司命者遲速有定非人所與
也聞者服其量端拱初成之再舉登第名在十九時
以貢舉權歸春官不復臨軒分甲於是禮部放榜取
程宿者二十八人時謂上應二十八舍蓋慎濫取也
都下競傳賀師道事上聞欲置于法成之申救謝無

有召見太宗嗟賞之宋興廣州舉進士者自成之始
初調真定府元氏尉以能著改知青州益都縣爲政
以惠愛爲本不事刑朴而衆務集淳化三年召試館
職除秘書省校書郎張詠與語深器之李順之亂蜀
也詠出知益州辟成之知絳州魏城縣先是宦者王
繼恩討賊至絳居民避兵者多溺死積骸如壘子遺
者皆瘡痍老幼流徙爲墟成之既至勞來而煦育之
運米以濟饑發藥以療疾疫經畫有法活者無慮數
千人事稍暇即立學校課農桑逆亂之俗爲之一變
咸平五年蜀又有警復以詠知益州詠以成之長於

撫恤再辟知漢州緜竹縣其政如宰魏城時常嘆曰
吾竊祿欲榮親今親已沒吾何以仕為哉慨然有歸
歎之興有思羅浮詩未幾卒于官人皆以其抱經世
才惜其不至大用也成之以文章為南越首倡尤工
於詩集鳳騫霞舉脫落塵土之
態置諸唐律中殆不可辨又雅意林壑每訪名景攀
嶺後鳥之宅竟日忘歸久官於蜀未嘗携妻子居常
裕如也人見其閑澹類此遂誣以為仙云按舊志載
成之之初赴南省也道由潭州遇異人韓冰以長生
術邀之使勿行成之答曰家寒親老期得祿養長生
非所願也冰笑曰子志誠可尚但恐轉汨塵土爾是
歲省試報罷再至京師復遇冰于閭闔外握手謂曰
公此行成名矣既而果然又載成之將終前數日漢
州有衙吏自青州致書來覽之乃冰筆也即酣飲累
日不臨政索誥大書一詩於後書已擲筆而逝縣方
申州而成之先至漢州謂太守矣人皆謂其尸解又
傳其於武夷上昇無稽之言大率難信如此增城人

籍為紫虛先生繪肖其形而所著有刪易注疏若干
祠之宋末復祠于廣州學宮

卷人士傳習之并詩集行于世子孫甚繁散處梅循

間四世孫華據廣州人物傳惠州志參條○論曰觀
成之峻巨韓冰之言趨向正矣世猶以

方外目之何哉舊志置諸神仙之列且謂所書諸元

時猶存蓋或有之垂絕之時肆志高曠遂以來後人

之誣耳東坡題詩曰久都下傳其自曰僊去石曼卿

死後世謂其得仙為芙蓉城主可盡然之哉槩成之

平生之賢有四曰靜曰寬曰惠曰孝仕以為親親沒

思止非孝乎西土之平不有善政以解其度吾見其

轉於蒲壑也無字之勞非靜乎靜以解其度吾見其
非寬乎山棲而學有得非靜乎靜以為體寬其量也
惠其推也孝其守之經革字逢時居梅州今程
鄉縣登紹

聖元年進士調瓊州教授訓迪有方蠻洞亦遣子弟
受教會黎人叛郡檄入洞招諭蠻俗素知敬革遂率

廣東通志卷之三十一

傳人卷

四

服狀聞于朝擢守潮州有惠政民思之

據潮州志脩

郡曄字日華其先京兆人唐末喪亂曾祖岳擊族之
荆南謁高季興不見禮遂之湖南彭玕刺全州辟為
判官會賊魯仁恭寇連州即署岳國子司業知州事
遂家桂陽祖崇德道州錄事參軍父簡連山令曄幼
嗜學耻從辟署太平興國八年擢進士第解褐授邵
陽主簿改大理評事知蓬州錄事參軍時太子中舍
楊全知州性悍率蒙昧部民張道豐等三人被誣為
劫盜悉置于死獄已具曄察其枉不署牘白全當核
其實全不聽引道豐等抵法號呼不服再繫獄按驗

既而捕獲正盜道豐等遂得釋全坐削籍為民曄代
還引對太宗謂曰爾能活吾平民深可嘉也賜錢五
萬下詔以全事戒諭天下授曄光祿寺丞使廣南採
訪刑獄俄通判荆南賜緋魚遷著作佐郎知忠州歷
太常丞江南轉運副使改監察御史以母老乞就養
得知朗州入判三司磨勘司遷工部員外郎淮南轉
運使景德中假光祿卿克交趾安撫國信使會黎桓
死其子龍鉞嗣立兄龍全率兵劫庫財而去其弟龍
廷殺鉞自立龍廷兄明護率扶蘭砦兵攻戰曄駐嶺
表以事上聞改命為緣海安撫使許以便宜設方略

曄貽書安南諭朝廷威德俾速定位明護等即時聽命奉龍廷主軍事初詔曄俟其事定即以黎桓禮物改賜新帥曄上言懷撫外夷當示誠信不若俟龍廷首奉別加封爵而寵賜之真宗甚嘉納使還改兵部員外郎賜金紫初受使假官錢八十萬市私覲物及為安撫已償其半餘皆詔除之嘗上邕州至交州水陸路及宜州山川等四圖頗詳控制之要俄判三司三勾院坐所舉季隨犯賊曄當削二官上以其遠使之勤止令停任大中祥符初起知兗州表請東封優詔答之及遣王欽若趙安仁經度封禪仍判州事就

命曄為京東轉運使封禪禮畢超拜刑部郎中復判三勾院出為淮南江制荆湖制署發運使四年改右諫議大夫知廣州州城瀕海每蕃舶至岸常苦颶風曄鑿內濠通舟颶不能害俄遘疾卒年六十三

據廣州人

物傳惠州志參脩

馮元字道宗南海人高祖禧唐末自始平來官廣州以術數仕劉氏傳三世至父邴皆食其祿廣南平邴入朝為保章正元幼嗜學從孫奭授五經大義又友崔頤正逮冠疆立博覽為詞章沉鬱有思出入服褻衣習矩步如大宿祭鄉人化其謹至以俚語諺之不

妄交荐惟樂安孫質吳陸參譙夏侯圭相友善群居
講學或達旦不寢號四友大中祥符元年第進士授
江陰尉秩滿會有詔流內銓取明經者補學官元自
薦通五經時諫議大夫謝泌領銓事笑曰古治一經
或至皓首子尚少能盡通邪對曰達者一以貫之可
矣謝竒其對因問疑義辨析無滯即日聞上授國子
監直講由是名震京師久之遷大理評事權崇文院
檢討兼國子監直講王旦聞其名嘗令說論語老子
群子弟侍聽以其淹粹亮恪深加禮重因薦之八年
真宗試進士殿中召元講易元進說曰地天爲泰以

天地之氣交也君道至尊臣道至卑惟上下相與則
可以輔相天地財成萬化要之一誠之感而已帝悅
賜五品服稍親近之禁中建龍圖閣度藏祕冊置學
士待制等員妙選譽望時用兵部郎中李虛已兵部
員外郎李行簡待制以元入仕資淺乃遷太子中允
直龍圖閣詔預內朝直龍圖閣預內朝自此始數召
入與查道暨虛已行簡講易於宣和門北閣盡上下
經帝稱元誦說通而不泥言外自有餘趣非專門一
經士也俄改三品服天禧元年以諫議大夫假節使
契丹還遷太常丞兼判禮院吏部南曹皇子爲壽春

郡王將講經資善堂帝欲得耆碩使之勸學王旦又
薦元帝以年差少不用更用崔遵度四年遵度卒即
擢左正言兼太子右諭德代其任它職如故數獻歌
頌兩宮褒禮賜予甚渥仁宗即位改戶部員外郎為
直學士兼侍講與孫奭以經術並進講論自是仁宗
益嚮學師生同升人兩榮之俄兼會靈觀副使知通
進銀臺司兼門下封駁事天聖元年判登聞檢院明
年同判國子監故事國子監多宿儒典領後頗用公
卿子弟任均管庫及奭元並命士議悅服三年改禮
部郎中五年同知貢舉進龍圖閣學士預脩三朝正

史十一月燎祭南郊為鹵簿使七年為翰林學士凡
三禁職皆天下選而元兼有士林休之又判尚書都
省三班院改吏部郎中八年以國書成進諫議大夫
充史館脩撰九年判吏部流內銓兼群牧使明道元
年十月享宗廟又為鹵簿使遷給事中明年耕籍田
使任如廟禮前此宸妃李氏之當葬也命元監護其
事帝親政追冊宸妃為莊懿皇后改葬未定陵既發
壙而流泉沮洳言者以監護不識十月解翰林學士
及侍講出知河陽辭謝見上但頓首引咎而已會太
學官屬叩丞相府上書乞留元固願行到部以清靜

稱不作條教王曾為上言元東朝舊臣不宜以細故棄外上悟即日馳詔景祐二年二月至自河陽改禮部侍郎兼翰林侍講學士知審官院復判太常禮院國子監獻金華五箴上納其戒賜書褒答四月領脩樂書俄復為南郊鹵簿使管祥源觀事明年七月書成賜名景祐廣樂記特遷戶部侍郎賞勞也四年春足疾氣愕屬其友李淑宋祁為銘誌四月卒年六十三賜賻錢三十萬絹百匹贈本部尚書謚章靖元性簡厚不治聲名非慶弔未嘗過謁二府終日無戲言墮色嘗受詔八上戎客於都亭館由慎恪以得之執

親喪自括髮至祥練皆按禮變服不為世俗齋薦遇祭日與門生對坐誦說孝經而已晝治官事夜還讀書誓御亦簡其面故能多識古今臺閣品式之事有所咨訪咸能記之尤精易初七歲方讀易母夜夢異人以紺蓮華與元忝之且曰善讀此後必貴顯元且老率三日一誦易初善音者取上黨黍縱累為尺因裁十二律以獻遂敗大樂鐘石以合其私後有建言其非者上遣中人就舍問之元即摘班固律曆志唐令兩說付中人因對古者橫黍度寸今以縱亂橫其法非是明日召見邇英閣上謂日向考正大樂患其

寢高而急今也下而緩二者不得其中失在律鄉言是矣因出橫黍新尺示群臣此縱尺差二寸一分而弱以較衡斗皆不讎微元言莫能正其謬也嘗預注真宗集同脩鹵簿記校後漢志孟子及律義疏又明楊雄方部學欲為諸首作章句并分撰國朝會要皆未成書家人攜其遺文得數百篇詩百餘章末祁稱其清緻平粹類其為人今不傳無子以兄之子諱為後蔭授衛尉寺丞孫二人將作監主簿據宋史廣州人物傳參脩○論曰古者教太子之方邪慝不接于耳目非禮不近乎動履所誦必法言所親必正人夫然後德器成而宗社有所賴也真宗雖未得為賢君然其教太子也幾於古矣宋以仁厚立國至仁宗培而豐之四十

餘年隆平之治卓邁今古抑孰知其自資善堂而肇邪夫養成君德以運諸事業馮元之功於是為大何者玄雲釀雨驅雷電而潤群物雖曰大造之仁然謂非雲雷之功不可也宋祁以賈誼董仲舒擬之愚謂元之所得為視二子者益多矣○宋祁行狀有曰嗚呼公有佐王之材不自顯雖持囊珪筆在省戶為名命訓辭所出裁十二三使公當其時稍自崖異不難於進且次入衡弼不為婆娑連蹇如今章章矣雖然命有屈於公公無不慊於道使素潔清埃奮厲無窮薄夫敦誇夫懼言元恬退可法也紀載不及故附書胡賓王字時賢曲江人少力學以博洽知名南漢時進士甲科嘗讀書中宿峽經史皆有發揮累官中書舍人知制誥劉鋹淫虐辭官歸乃著南漢國史自劉謙至鋹為五主傳楊洞潛至陸光圖等三十三人為純臣傳復有具臣亂臣宦官女謁之目凡十二卷鋹

善類通鑑卷三十一
下

亡上其書于宋號劉氏興亡錄以明經授著作郎會
詔有官者得與科試遂登咸平庚子進士第累遷翰
林學士後致仕卒于家賓王爲人樂易俊爽言行不
苟居官憂國奉公歸鄉憐貧恤寡其所居鄉乾道中
分隸乳源號學士里二邑人至今重之據宋史詔
州志參脩
陳昭遇者本南海人也世爲名醫至昭遇尤著開寶
初至京師爲所知者薦授翰林醫官遂留家開封初
爲醫官領溫水主簿後加光祿寺丞賜金紫初太宗
在藩邸假日多留意醫術藏名方千餘首皆嘗有驗
者及即位詔翰林醫官院各具家傳經驗方以獻又

萬餘首命昭遇與王慄隱等參對編類每部冠以隋
太醫令巢元方病源候論而方藥次之成一百卷太
宗御製序賜名曰太平聖惠方仍令鏤板頒行天下
諸州各置醫博士掌焉又嘗被召與醫官劉翰等詳
定唐本草旣成書新舊藥凡九百八十三種并目錄
二十一卷上之昭遇於醫術無所不究故其所著述
皆精博可傳往來公卿間眠病對証多奇驗性又謙
慎自將以此被眷寵不衰據廣州志
宋史參脩
余靖字安道韶州曲江人少博學能記經書子史下
至雜家小說陰陽律曆外暨佛老無所不通以文學

稱于鄉里舉進士起家爲贛縣尉試書判拔萃改將
作監丞知新建縣再遷秘書丞數上書論事建言班
固漢書舛謬命與王洙并校司馬遷范曄二史書奏
擢集賢校理會范仲淹以天章閣待制貶饒州諫官
御史莫敢言靖言仲淹以刺譏大臣重加譴謫倘其
言未合聖慮在陛下聽與不聽耳安可以爲罪乎汲
黯在廷以平津爲多詐張昭論將以魯肅爲粗踈漢
皇吳主孰聞訾毀兩用無猜豈損令德陛下自親政
以來屢逐言事者恐鉗天下口不可疏入落職監筠
州酒稅尹洙歐陽脩亦以仲淹故相繼貶逐靖繇是

益知名徙監泰州稅已而復用仲淹被斥者皆召還
惟靖以便養親乞知英州遷太常博士丁艱服除還
朝復爲校理同判太常禮院慶曆中仁宗銳意欲更
天下弊事增諫官員使論得失以靖爲右正言時四
方盜賊竊發州郡不能制靖言朝廷威制天下在賞
罰今官吏弛事群盜蜂起大臣齷齪守常不立法禁
可爲國家憂也請嚴捕賊賞罰及定爲賊劫質亡失
噐甲除名追官之法帝以天下久安吏習因循及趙
元昊叛師出無功上思振頽弊旣更用二三大臣復
親筆靖姓名除右正言與歐陽脩王業蔡襄爲四諫

官時稱四賢靖感激奮勵遇事輒言慶曆三年司天
言太白犯歲星又犯執法靖上疏請責躬脩德以謝
天變使契丹辭日以所奏事書笏各舉一字爲目凡
數十事帝顧見之命悉條奏日幾晏乃罷進脩起居
注開寶寺靈感塔災復上疏言五行之占本是災變
朝廷所宜誠懼以答天意聞嘗詔取舊瘞舍利入禁
中閱視道路傳言舍利在內廷有光恠竊恐巧佞之
人推爲靈異惑亂視聽再圖營造臣聞帝王之道能
勤儉厥德感動人心則雖有危難後必安濟今自西
陲用兵國帑虛竭民亡儲蓄十室九空陛下若勤勞

罪已憂人之憂則四民安居海內蒙福如不恤民病
廣事浮費奉佛求福非天下所望也若以舍利經火
不壞遽爲神異即本在上中火所不及若言舍利皆
能出光恠必有神靈之憑此妄言也且一塔不能自
衛爲火所毀况藉其福以庇民哉旣不能爲神不宜
復建帝從靖在職數言事嘗論夏竦姦邪不可爲樞
密使王舉正不才不宜在政府狄青武人使之獨守
渭州恐敗邊事張堯佐以脩媛故除提點府界公事
非政事之美且郭后之禍起於楊尚不可不監太常
博士王翼西京治獄還賜五品服靖曰治獄而錫服

外人不知必以爲翼深文重法能希陛下意以取此
寵所損非細事也嘗有工部郎中呂覺以治獄賜對
祈易章綬陛下諭之曰朕不欲因鞠囚與人恩澤覺
退以告臣臣嘗書之起居注陛下前日諭覺是則今
日賜翼非矣是非與奪之間貴乎一體小人望風希
進無所不至幸陛下每於事端抑其奔競其說多見
納用會西鄙厭兵元昊納誓請和議增歲賜靖言景
德中契丹舉國興師直抵澶淵先帝北征渡河止捐
金縑三十萬與之今元昊戰雖累勝皆由將帥輕敵
易動之故數年選將練兵始此守戰之備而銳意解

讎所予至二十六萬且戎事有機國力有限失之於
始雖悔何追夫以景德之患近在封域之內而歲賜
如彼今日之警遠在邊鄙之外而歲賜如此若元昊
使還益有所許契丹聞之寧不生心無厭之求自此
始矣儻移西而備北爲禍更深但思和與不和皆有
後患則不必曲意俯徇以貽國羞擢知制誥元昊旣
歸款朝廷欲加封冊而契丹以兵臨西境遣使言爲
中國討賊請上母和朝議難之會靖數言契丹挾詐
不可輕許耶遣靖假諫議大夫往報而督夏國封策
不發靖至契丹從數十餘騎出居庸關見虜主於九

十九泉從容坐帳中辯論往復數十卒屈其議而還
朝廷遂發夏冊臣元昊西陲以寧北邊亦無事遷知
制誥史館脩撰是年契丹自攻元昊尋遣使來告捷
靖三使契丹亦習外國語嘗為蕃語詩御史王平等
劾靖失使者體出知吉州靖為諫官時嘗劾奏太常
博士茹孝標不孝匿母喪坐廢靖既失勢孝標詰闕
言靖少遊廣州犯法受榜靖聞之不自得求侍養去
改將作少監分司南京靖怡然還鄉闔門絕人事已
而授左神武軍大將軍雅州刺史帝數欲召用而宰
臣惡其剛直第遷光祿少卿又以為壽州兵馬鈐轄

辭不就皇祐二年遷衛尉卿知虔州丁父憂去儂智
高反邕州乘勝掠九郡以兵圍廣州朝廷方顧南事
就喪次起靖為秘書監知潭州改桂州詔以廣南西
路委靖經制靖奏言賊在東而徙臣西路非臣志也
即詔經略廣東西盜賊智高乃西走邕州靖策其必
結援交趾而脅諸峒以自固乃約李德政會兵擊賊
於邕州備萬人糧以待之而詔亦給緡錢三萬助德
政興師且約賊平更賞以緡錢二萬又募儂黃諸姓
酋長皆縻以職使不與智高合既而朝廷遣狄青孫
沔將兵共討賊青卻交趾援兵不用靖偕青敗賊於

歸仁智高走入海邕州平請終喪不許諸將班師獨
 留靖廣西委以後事就遷給事中御史梁蒨言賞薄
 又遷尚書工部侍郎靖留逾年撫字完復嶺海肅然
 初青兵未至前戒部將勿戰靖迫鈴轄陳曙出鬪敗
 走青至按軍法斬曙及指使袁用等於坐靖瞿然起
 拜及諸將班師獨留靖廣西遣人入特磨道擒智高
 母子弟三人生致之闕下斬之詔加集賢院學士武
 集謝加護軍食邑表臣靖言今月九日准都進奏院
 逋到勅牒官誥一道授臣依前守尚書戶部侍郎充
 集賢院學士加護軍食邑五百戶散官封食實封賜
 如故仍故朝謝者藏事闕宮講行閣典均禧函夏敷
 及具僚中謝恭惟皇帝陛下基豐潔粲盛內盡享親之
 蹈蒸蒸之孝寅守不丕之基豐潔粲盛內盡享親之

志序陳昭穆射脩合祭之儀既成薤之盛容廣布
 蔘蕭之溼澤下與交吐公牒往來尋在狄青陣中戰
 經略安撫使郎與交吐公牒往來尋在狄青陣中戰
 敗巖賊收復邕州俄又捉獲儂智高毋累蒙聖恩遷
 官屢會陳乞復舊州司不蒙俞允去歲甲洞作過佳
 中書劄子自青州召臣差充廣南西路體量安撫使
 面奉聖旨許令體報交吐差充廣南西路體量安撫使
 嘉祐等與欽州猶差人前來體探是與不是臣親身
 仍言臣與先王有分今來差臣探是與不是臣親身
 吐海道相通切慮談者易生構聞若言臣交與夷
 則於臣家多不便兼廣州大市居民元無城池園捍
 近歲議者欲後加羅城若從群議必須大興力役
 以民力周弊乞守舊官差知荆南潭州一次庶免愆
 敗臣今欲乞守舊官差知荆南潭州一次庶免愆
 謗至伏望聖慈特賜俞允恐徒知潭州又徙青州皇
 祐五年交趾蠻申詔秦寇邕州殺五巡檢驛召靖以
 為廣西體量安撫使悉發荆湖兵以從靖至則移檄

集賢院志卷之六

五十一

三

交趾召其用事臣費嘉祐詰問之嘉祐至給以近邊
 種落相侵報誤犯官軍願悉推治還所掠及械罪人
 以自贖靖信之厚謝遣去嘉祐遂歸不復出械送首
 惡五人于欽州斬于界上明兵以尚書右丞知廣州
 再免知廣州表臣某言准今月十七日詔書以臣蒙
 恩授尚書左丞依前集賢院學士知廣州臣才術短
 淺當此重寄必致曠敗欲乞以守舊官差知荆南潭
 州一次所乞宜不允者外朝疎遠固有於官儀中詔
 下寧遠頒於天語推聖恩之過厚在臣分以何安內
 愧空疎理當辭避中謝伏念臣才非應務智乏周身
 謗缺易成風波可畏頃者薦脩鄰好三使虜庭始由
 歡聘以通情終於習熟而為罪一鄰昨使蠻干紀幕府
 專征蕩寇黨則元帥之謀擒魁媼則群夷之力魯無
 涓効屢玷勲書去歲峒蛋憑陵官軍沮折詔臣喻指
 復命再泰陞資切緣嶺海之行已蒙叙進重若方隅之

有警則退讓以無名當今時在開兵理非避事就近
 而不就遠雖曰便安辭易而不辭難敢期煩瀆且又
 越臺之境胡賈雜居占者城無外孺當由土之疎惡
 謀於脩築迨及旬年計其徒庸難乎速就借民力則
 謂之弛備徇眾議則困於勞人玩寇之謗若興覆族
 之誅可懼矧以地聯鄉曲勢有嫌疑儻回澳汗之恩
 實荷保全之賜臣情願不就轉官恩澤乞只守舊官
 差知荆潭一郡謹奉表陳乞以聞伏望聖慈特賜俞
 允于冒宸旒明臣無任○廣州謝上表臣某言奉勅
 公事充廣南東路都鈐轄兼本路經略安撫使已於
 今月十八日到任上訖斗筲器小方面任隆海國雖
 遐聖恩尤厚中謝伏念臣稟生卑薄賦性顯愚設蒙
 當宁之知殊乏防閑之慮三聘未羈之虜終以左遷
 一彈不孝之人遭其反噬既不虞而致毀固無望於
 復燃就喪次以家居屬儂蠻之寇警愚謂古之鄉士
 用庇族姻謀與守臣共伸此議朝廷因其急病誤謂
 知兵起於縲絏之中委其金革之事以至絕交夷唇
 齒之援擒寇魁子母之親正軍刑於藁街愴國威於

銅柱在見聞之或異亦讒謗之互與上賴天慈屢更
 潘寄去歲邕邊失策納彼逋逃峒徠恃強遂成侵擾
 邏司喪元而潰數列郡聞風而震驚因驛騎以召臣
 俾單車而諭指維島夷聽命願誅首惡之人而寒將
 貪功未絕交爭之患亦既與之約束各守封疆苟邦
 令之必行諒吾圍之能固猶以嶺服之外越擻相通
 俾臨此州以辦邊事竊惟兵火之後瘡痍未平力役
 尚繁生業猶困將祈存恤當擇循良再其表陳莫回
 恩肯此蓋伏遇皇帝陛下乾剛下齊雖照旁羅儻寸
 有所長則使之必報輪翻無遺於木馬潢汗或薦於
 王公致此非才亦叨重任敢不率勵愚慮勉守孤忠
 察藩漢險易之情宜陛下憂勤之意庶乎萌隸同被
 休明臣無任○謝知廣州表右啓某叨膺睿渥出布
 藩條祗荷寵光不任感懼已於今月十八日到任止
 訖伏念某器非適用智不逮人初既謝於才升中亦
 罹於毀廢間蒙驅策頻易炎涼謀無補於臨戎寵屢
 叨於進律去歲載馳驛騎重見闕廷畏當諭指之行
 殊之綴邊之略暨于復命惟俟黜幽遽陞網轄之司
 仍領藩宣之寄下慙猛士徒字於四方仰愧文昌雨
 聯於八座此蓋某官義敦與善德拯包荒密為敷揚

致茲忝肩敢不體國家忠厚之化究邪俗利害之源
 無露才以近名冀順民而成政苟能逃於官謗期勿
 負於已知首奏罷番舶裝船稅又請立法戒廣南官吏不
 得市南藥諸番貨英宗即位拜工部尚書代還以疾
 卒于金陵三司使蔡襄為靖言特贈刑部尚書謚曰
 襄靖為人剛勁而言語恂恂不見喜怒所言不煩碎
 前後經制五管皆有惠愛在兵間未嘗廢書嘗夢神
 人告以終官而死秦亭故靖嘗畏西行及卒則江寧
 府秦淮亭也所著詩文奏議三史有武溪集行于世
 據宋史詔
 州志參脩

許申字維之潮陽人咸平中陳堯佐通判潮州申以

布衣見與語奇之及觀所爲文益加器重大中祥符
初舉賢良天子東封獻賦頌者數百人召試三人申
在列學士院第其文擢申第一授將仕郎秘書省校
書郎蓋特恩也出知相州鄴縣遷知韶州更吉建二
州歷廣西提點刑獄改江西湖南路轉運使終刑部
郎中嘗因災異言事極詆時弊凜然有直臣風申爲
人姿宇軒特識見通敏讀書一經目終身不忘爲文
淵洽溫潤切劘端正根於所養云申初從陳堯佐爲
潮州倅艤舟于岸月夜有馬騎數人云丞相漕使會
宿于此後陳大拜申果爲漕使蓋神報之也申之子

因仕至太子中舍孫二人間誨衛尉寺丞聞義初知
賓州終國子監博士聞一答皇祐元年進士曾孫珪
娶太宗曾孫女德安縣主授左班殿直繼聞義知賓
州在賓賜錦袍者六金帶者三終武功大夫明州觀
察使廣南西路兵馬都監四世孫奔登元豐二年進
士復繼珪知賓州終朝議大夫五世孫居仁居安同
登元符三年進士居仁仕至朝議郎知貴州珪子仲
禮仕至武節郎爲東南第一將八世孫騫宣同登
紹熙二年進士騫爲惠州推官調南恩僉判自申而
下仕總文武四十有一人焉

據潮州志潮陽志參脩

唐靜連州人父元雍熙初進士歷官知渝韶峽光化
四州終尚書屯田員外郎靜生而穎異十歲能爲文
章隨父宦蜀遭母喪哀毀踰禮間關川陸扶護歸葬
人稱其孝大中祥符八年再舉進士科初調澧州獄
椽試秘書省校書歷韶州判官試大理評事當官執
法不撓爲張士遜陳堯咨晏殊所推重范仲淹龐籍
皆兄弟之靜子炎景祐元年進士官至太子贊善大
夫三世甲科湟川前此所未有也同靜時有吳世範
者工詩文登咸平三年進士大中祥符間爲漳浦令
有善政遷殿中丞又有歐陽經者家世業儒至經充

卓穎徐鐸榜進士登第後乞歸建致一堂日劬書其
中初任杭州幕官以詩文見稱時蘇軾帥杭州表薦
之云材猷夙壯忠孝兼全學古入官敏於從政官至
朝散大夫知封州

據廣州人
物傳脩

王式字用之唐宰相珪之後初珪之子敬直尚南平
公主坐事貶嶺南子孫留者爲曲江人式耿介自立
以孝行稱天聖初舉進士授秘書校書郎歷廣州虔
州南安軍司理叅軍清謹詳明獄無隱情雖苛吏把
其上狡胥穴其下而情必達除大理丞知吉州永新
縣民愛戴如父母以蹟聞移知梅州卒舊制嶺表廉

司椽佐闕員取進士再舉明經三舉不入太常第者
試攝其事三載不瘳厥職送吏部爲品官目爲南選
式嘗歎曰曲江自文獻公後鮮復以科第顯豈南方
以此選誘人爲卑職耶自弱冠捧鄉書五試春官終
不屈意暨登上第時母氏猶在閭里始服其志焉郡
守名其居曰興文里曰折桂邦人榮之子陶

陶字子元式之子博學有俊才登進士第官至京東
提刑度支郎中皆有嘉政陶妻朱氏尤賢淑皆善教
子有五子皆已受室一日夫妻與諸婦言今歲吾子
有預鄉薦者其婦免執爨設食得侍姑閑坐諸婦受

命各勉其夫出宿外舍讀書是年三子中選次舉二
子繼之至今鄉人言善教子者必以王郎中夫妻爲
法云陶子履古亦登進士第曲江惟王氏鄉氏父子

孫三世登第

據韶州志脩

林從周海陽人太子洗馬璨之子登景德二年進士
授泉州南安簿日持手飯與刺史廷辯曲直侃侃有
國士風主計者聞其材俾涖劍州銀冶擢大理評事
筦權永嘉遷本寺丞知開封考城縣後王欽若出判
杭州奏辟爲副授太常博士通判軍州事抗直不黨
欽若初甚怒中悔悉以事委焉入朝以屯田冒外郎

克開封府推官痛絕私謁權貴有書札輒焚之仁宗時常對展奏事退莊獻太后聞其語知其賢指之語上曰此林從周也民有殺其兄之二子以規其財者長被創即死其幼走以免事發獄成以母年八十法當留侍從周議使無狀子居母側以凌其幼孤必無全理且孤孫雖穉亦能為祖母養留之惠奸不可讀奏未畢太后遽頷之曰人情當如此命配海外持平固執皆此類也轉度支員外提點浙東西刑獄公事在考城有惠政在開封以獄空年豐再獻賦頌一以規誠為本上亦再降手詔褒之仁宗初郊從周以府

僚侍祠例授一子出身念其弟從善蚤卒奏以予其孤焉子東喬歷官光祿寺丞司門郎中知汀州事次東美舉學究特奏名官北部員外郎知雷州事東喬子之定朝散郎知惠州事從周叔冀登祥符進士乙科試身言書判第一歷官屯田員外郎其族人曰從可宣德郎曰東注通直郎自從周而下列衣冠者一十有七人

據潮州志海陽志參脩

黃正一名仲通以從祖諱遂稱字焉家本寒微刺史潘夙一見曰此奇童也命使從學及冠以詞賦知名場屋間天聖初擢第遷大名府司理時待制王洙沿

河北漕乞引濟水御河灌懷衛民田辟衛州推官以
通水利宰相王旦杜衍文章薦之改著作佐郎知南
儀州以病乞監宣州稅按察使以歙州賦訟繁夥請
擇材士共贊幕書就除太常博士僉書歙州判官通
判建州惠州累遷屯田郎中儂寇迫廣州惠州最近
正增堞濬湟民賴以安秩滿年六十八矣乃歎曰鐘
鳴漏盡而不知止者滔滔皆是也遂致仕朝廷授一
子官以寵之正少勤學家貧無書手寫五經註疏及
文賦數萬篇不急進取每歎祿不逮親所得之俸常
均給其兄弟及親戚之貧者鄉閭無不服其友悌當

官以幹稱治獄以恕聞其所薦舉皆當世巨公而所
享名位不盡其才死之日家無餘貲第以清苦自立
余襄公靖正之甥也居同里舉進士同榜官遊險易
未嘗不相親也為誌其墓曰始終一節古之全德君
子云子佺期安期姪寶臣汾皆登仕籍據韶州志脩
羅孟郊其先南昌人五代間有官興寧者因家焉至
宋景德中孟郊生生而穎異早喪父事母孝兒時牧
牛長陂莊坐讀書有山人過竒之與語孟郊告以父
喪貧未葬山人指示他遂從葬焉弱冠結廬羅嶺以
學鄉子弟從之孟郊指授篤至邑始多學者善書札

洗硯池水盡黑人稱之曰墨池天聖八年舉進士第
 三人累官諫議大夫翰林學士乞歸養母茆葦蕭然
 母冬月思膾孟郊解衣入池取魚供母鄉人目其池
 為曾子湖卒衆立祠祀之

據惠州志興寧志參脩

黃叔達字公濟靈山人為人鯁介持風節以薦辟補
 正額攝管隨軍政破交趾玉山寨克復廣源等五州
 以功轉承議郎子五人濤渙沉漸冽濤沉終太學生
 餘俱歷官次子渙最知名


據欽州志脩

渙字彥舟力學通經史百家元符三年鄉薦崇寧間
 授定州文學上書論天文政和七年陞通直郎權知

鬱林州宣和五年以選次赴京會虜入寇渙率在部
 官奔南薰門外上表乞留聖駕已而奔南京奉表勸
 進高宗壯其志擢權兵部侍郎建炎三年與虜戰沒
 贈朝奉大夫秘閣脩撰官其一子

據一統志欽州志參脩

李士廉字舉之四會人形貌魁碩有大志喜周游四
 方尤愛蜀之勝槩因寓于錦城輕財好施蜀人敬之
 熙寧二年河隴用兵諸將經費不節朝廷遣御史按
 察下總管使王君萬於獄君萬素不識士廉望風使
 人求救士廉知君萬驍將也出已錢二千緡與之免
 罪既出獄適值鬼章犯洮隴君萬力戰屢克敵每以



所獲功為士廉報士廉曰吾豈望報者天果祐吾有
子力學使竊獲祿養足矣君萬感泣後子積中果登
進士第士廉從積中宰新吳時廉訪委鞠獄陰使中
傷人又令增羨鹽許以薦章士廉戒之曰吾固願汝
顯榮必以是得之弗願也積中竟從父訓後以積中
貴封翰林學士李氏子孫之多賢實士廉積德之報

也據肇慶志條

積中士廉子元豐二年進士懋迪世德卓然有台輔
器歷官御史翰林直學士司馬溫公作相時積中常
預議新法言不阿世後蔡京得政黜元祐之黨凡二

百九十人積中在黨中舊居四會之社山後以黨籍
遂家豫章世仕于朝衛尉丞良弼戶部侍郎安國兵
部尚書大性省元大異大東皆其子孫並躋侍從為
世名臣父子皆祀于高要四會鄉賢祠據一統志肇慶志參條
大性字伯和積中子大性少力學尤習本朝典故以
父任入官因參選進藝祖廟謨百篇及公私利害百
疏又言元豐制六察許言事章惇為相始禁之乞復
舊制以廣言路從臣力薦之命赴都堂審察僅遷一
秩為湖北提刑司幹官未幾入為主管吏部架閣文
字丁母艱服闋進典故辨疑百篇皆本朝故實蓋網

羅自氏野史訂以日歷實錄核其正舛率有據依孝宗讀而褒嘉之擢大理司直遷敕令所刪定官添差通判楚州郡守吳曦與都統劉超合議欲撤城移他所大性謂楚城寔晉義烏間所築最堅奈何以脆薄易堅厚乎持不可臺臣將劾其沮撓不果會從官送北客朝命因俾廉訪具以實聞遂罷戎帥召大性除太府寺丞遷太宗正丞兼倉部郎尋改工部陳傅良以言事去國彭龜年黃度楊方相繼皆去大性抗疏言朝廷清明乃使言者無故而去臣所甚惜也數人之心皆本愛君知其愛君任其去而不顧恐端人止

士之去者將不止此孟子曰不信仁賢則國空虛臣所以爲之寒心也孝宗崩光宗疾未能執喪大性復上疏言今日之事顛倒舛逆况今使祭奠當引見于北宮素帷不知是時猶可以不出乎檀弓曰成人有兄死而不喪者聞子臯將爲成幸遂爲衰成人曰兄則死而子臯爲之衰蓋言成人畏子臯之來方爲制服其服乃子臯爲之非爲兄也若陛下必待使來然後執喪則恐貽譏中外豈特如成人而已哉遷軍器少監權司封郎提舉浙東常平改浙東提刑兼知慶元府召爲吏部郎中四遷爲司農卿明年兼戶部侍

郎出知紹興府甫一歲召爲戶部侍郎升尚書朝論
將用兵大性條陳利害主不宜輕舉之說忤韓侂胄
意出知平江移知福州又移知江陵克荆湖制置使
江陵當用兵後殘燬饑饉繼以疾疫大性首議賑貸
凡三十八萬緡有奇前官虛羨凡十有四萬五千緡
率蠲放不督民流移新復業者皆奏免徵權邊郡武
爵本以勵士冒濫滋衆大性劾兩路戎司冒受逃亡
付身凡三千四百九十有七道率繳上毀抹左選爲
之一清江陵舊使銅鑼錢重褚輕民持貲入市有終
日不得一錢者大性奏乞依襄郢例通用鐵錢於是

泉貨流通民始復業除刑部尚書兼詳定敕令尋遷
兵部時金國分裂不能自存有舉北伐之議者大性
上疏以和戰之說未定乞令朝臣集議從之尋以端
明殿學士知平江府引疾丐祠卒于家年七十七贈
開府儀同三司謚文惠李氏自積中三世官于朝父
子兄弟相師友而大性與弟大異大東並躋從列爲
名臣云據宋史肇
慶志參脩
許彥先始興人深明易學尤工書灑天聖二年與族
人致同第進士彥先累官殿中丞遷廣東轉運使有
能理名致以文學聞于時嘗作廣州脩城記又有彥

博者治平四年進士安世紹聖四年進士牧政和六年進士皆其族也

據一統志南雄志參脩按南雄志以彥博為致之子見選舉表

梅鼎臣翁源人系出漢臺侯銅之後登天聖二年進士官至殿中丞有直諫聲子佐登天聖五年進士是

科仁宗表章中庸以賜新第者佐與焉後又表章大學佐皆習之歷官知藤州操介清白不為脂膏之行

嘗為承學講授大學中庸化及蠻貊人稱其世有儒行云據韶州志王海參脩

黃程海陽人嘗結廬讀書西湖山與許申林從周皆為陳堯佐所獎引堯佐自潮召還攜程偕行欲畀以

恩澤程毅然不受以遜同舍生登天聖五年進士第

官至太子中舍據潮州志脩

李英字子厚高要人天聖中同學究出身初任象州

司理參軍轉博羅簿用辟薦歷橫州白州欽州推官所至以廉能稱熙寧中欽州守臣寡謀啓釁交人出

其不意攻城陷之英以死守一家殲于虜刃者十有三人神宗聞而悼之贈比部郎中詔錄其季子忠為

班行從弟表為三班忠乃招奠塋之於祿村建祠祀之號比部廟今祀于鄉賢據肇慶志統志參脩

鄧戴韶州乳源鄉人博通經學登天聖五年第累官

殿中丞以子登朝贈朝議大夫子堂登皇祐進士第
官至郡守廉平不苛以愛利為行次子擴授奉議郎
堂子弼亮繼登元祐進士第三世登科有聲南土弼
亮為新興令力行教化而後刑罰劉安世鄒浩謫嶺
南弼亮皆與之遊情好甚欵鄧氏後隨鄉為乳源縣

人

據韶州志脩

林巽字巽之海陽人天聖中應才識兼茂明於體用
科對策鯁切忤權貴主司不敢取慶曆中投匭論事
仁宗異之授徐州儀曹不就南歸讀易著書八篇曰
卦元卦經卦緯叢辭起律吹管範餘叙和總名曰易

範人稱為章範先生外有文集若干卷

據潮州志脩

張持字久中初名伯虎曲江人幼孤養於兄嫂嘗曰
嫂之於吾猶母也婦能以姑禮事吾嫂者可以為吾
婦矣慶曆三年以博學善文詞入太學有詔學官歲
薦獻士二人學者以數百人官獨薦伯虎乃更名
會學散不報後二年竟卒於興國友人莆陽陳惇歸
其喪南豐魯鞏誌其墓曰君為人深沉有大度喜氣
節重交遊一時所與遊者是非得失不阿意苟合非
其遊者遇之溫溫不妄與之言於臨川出其文章而
與予言古今治亂是非之理操心持身得失之際於

其義予不能損益也銘曰嗚呼久中不知其志孔孟

為之其長在人於此觀之

○據南豐集韶州志參脩譚侁始興人唐循州司馬誨之後皇祐壬辰進士博

通經史教三子皆成名粹朝議大夫銳朝請大夫拊

中散大夫一門三大夫時人榮之粹名望尤著於張

文獻公九齡為外家十世孫每歲躬詣公墓必致祭

焉熙寧初知惠州有善政暇日嘗輯羅浮志序之以

傳其餘詩文皆可觀人稱其學行子煥

煥字文煥篤志好學嘗預薦書當父任力辭遜于弟

大觀元年詔天下舉八行每路以三人為率廣東一

十五郡無有應者郡以煥聞朝廷嘉其讓推舉八行

之首次則歐陽珪許牧共三人為一路殊選煥仍登

大觀三年進士甲科官至朝散大夫據南雄志韶州

梁杞香山人性醇謹好學通五經直郡庠慶曆六年

登進士初為連州司理獄詳明部使者論薦為桂

陽令蒞政以惠民為本恤孤寡抑奸滑作陂池教種

藝平賦役弭盜賊庶務悉舉虔商有擾市廛者設方

略毆逐之邑以大治嘉祐中遷比部員外郎尋以朝

奉郎通判鄂州軍事俗尚巫鬼為置局醫斥去淫衰

陋俗為之一變熙寧初致仕與運判徐九思建議請

立香山為縣事不果行然自是之後竟成縣治鄉民便之啓其端者杞也是時海曲族望稱陳梁二家而杞家聲尤著稽其譜牒顯仕者十餘人散在他邑凡千餘指經略使仲簡序之其裔孫現係籍番禺嘉熙二年進士知南康作興學校輟俸增祭器政暇課試諸生舉行射禮民皆懷之據廣州舊志脩李訪曲江人善事父母父卒勺水不入口者七日母繼卒亦如之廬於墓下虎來墓傍馴視而不傷又有白鳥集廬側州以事聞仁宗旌其門閭慶曆五年賜粟帛據韶州志脩

李思純歸善人皇祐五年以三禮出身歷官朝奉郎知封州遷瓊州安撫使其弟思義相繼守封州皆有遺愛於民士大夫有鵠原之頌據肇慶志惠州志參脩

盧侗字元伯海陽人行實朴茂事親至孝為梓里推重其旨暇手不釋卷嘗結廬讀書西湖山博經旨而易學尤粹自為訓釋日與諸生相討論五應鄉薦皇祐五年以思釋褐守本州長史嘉祐中余靖蔡襄王舉元皆薦侗文行調惠州歸善簿未幾靖帥廣州以機宜辟治平初諸司剡章交薦蔡抗以廣漕召還國子監亦復以經學薦之召對授國子監直講熙寧初

力言新法不便遂求外補知柳循二州以太子中舍

致仕立祭田及大潭塘以祀先人卒于家據潮州志脩

李渤字子文樂昌人世業儒有聲嶺表登嘉祐進士

郡人尊之號為李夫子嘗試南昌作聞伯夷之風頑

夫廉賦中魁時人膾炙稱為李伯夷有詩云嶺北嘗

聞夫子號江西曾振伯夷風渤弟巖以上書召見崇

政殿特賜同進士出身官皆至朝奉郎渤知白州巖

知象州據韶州志脩

譚揆字文初曲江人父昉刻苦種學四上計偕而親

老家貧無以為養不獲已請補吏外臺久之授海豐

簿英州司理平樂令王益守韶州延至門下教子弟

時益子安石方髫鬣與揆兄弟同學後安石為相而

昉為虞部郎官卒揆狀其行求銘安石方行新法未

暇及之但作挽詩同時獻賦久無人握手悲歎迹已

雲身虛看劍履今長夜小隱山林抵舊安石後為字

說引揆入局為郎官揆不苟從累遷廣文館學士副

廣東西漕移本路憲知南恩州揆從弟昂亦登進士

能自植立據韶州志脩

盧邵義博羅人結廬大井山下讀書其中躬耕以養

母鄉人稱其孝皇祐中以特科授都官員外郎終朝

奉大夫

據惠州志脩

譚必字子思樂昌人六歲通經天聖間殿中丞王益出守韶州時嶺表自五季兵革之後文風凋喪人鮮知學王荆公喜其聰慧日誦萬言遂狀其事以聞必至京師引試稱旨特免文解厚賜銀帛以賙路費時江西鄭公懈未第開門授徒必裹糧從之數年學業日進課業勤苦因而喪明然性嗜學士流遠近聞其名鼓篋紛至相與講論不輟久之目少愈年已四十四再歷鄉舉中賈黯榜進士熙寧間荆公秉政即前守王益之子也與公有舊嘗呼必爲九兄欲擢用之必

連丁家艱既服除荆公已退居鍾山矣晚調邕州推官交趾破邕城没于王事累贈金紫光祿大夫再從姪昂登紹興八年第授南恩教守約登紹興十八年第授程鄉縣令景泰間邑人給事中白瑩請加表揚謚忠愍仍廟祀邕州

據韶州志脩

林脩南海人輕財好施造淨慧寺千佛塔者其人也元祐初調官京師授鳳翔府寶鷄縣主簿時司馬溫公書儀及居家雜儀未刊行脩手錄以歸守爲家法脩之孫曰師仲曰遜曰遠皆好學術禮山公黃廷堅謫居涪州師仲往謁之山谷勉其教子讀書一帖曰

質夫兒已十七歲正是與擇師友時人家有賓客動輒費數千乃不能捐二百千奉其師友不可謂善計者也後其家慕山谷之言創義齋延賢師以教子弟及諸生隆興初有由此登第者質夫師仲字也遜遠居母喪一遵禮制侍郎胡銓作素冠說以貽之其說曰素冠之詩刺不能三年喪也首章言庶見素冠三章言素鞞說詩者曰素冠練冠三年之喪十二月而練此練冠是既練之後大祥之前冠也素衣亦既練之衣上二章同思既練之人也素鞞大祥祭服之鞞卒章思大祥之人也按喪服斬衰裳經不言鞞檀弓說既練之服云練衣黃裏練緣腰經繩履角填廉裘亦不言有鞞則喪服始終皆無鞞惟大祥祭服朝服縞冠朝服之制縞衣素裳禮鞞從裳色喪服小記除成喪者其制也朝服縞冠縞衣素裳禮鞞從裳色喪服亦云朝服素鞞謂素鞞為大祥之祭服是矣謂素冠素衣

為練服恐非也檀弓云奠以素器以生者有哀素之心註云哀素言哀痛無餘凡物無色曰素史言漢高祖為義帝發喪兵皆縞素然則素冠止為喪服哀痛無餘爾不必三月練服乃為素也作詩者以時人不能行斬齊之服故上二章思見素冠素衣哀素之服又以時人縱有哀素之服未必能終大祥之祭也故萃章思見祥祭之鞞事之次也難者曰若如所說則初喪已無素冠是全不為服雖期亦不能行不得云不能三年夫無素冠是三年者謂三年將終少日耳易曰古者喪期無數堯崩百姓如喪考妣三年於是始有三年之制春秋書十二月天玉崩乙未楚子卒乙未甲寅四十二日則閏月明矣而不書閏是三年之數雖閏不數也知不能三年者謂三年將終少日耳豈可謂全無哀素之人哉余曰不然說詩者不以辭害意是詩之作謂喪莫大於三年人猶不知餘可知矣非必謂當時之行喪者將終三年人猶不知月也孟子曰不能三年之喪而總小功之祭不期與大功而云小功總者舉至輕而明至重也詩人思見素冠不云不能總小功而云不能三年者與至重而包至輕也明乎孟子之說可與言詩矣漳人陳君為

禮記卷之六 喪禮 三十一

余言廣有林氏昆弟二人居母喪有志乎古懼其志之弗堅求余言以繼之余為說素冠之詩以前二章作其哀素之心卒章勉其終之伯曰遜字復之仲曰而勿怠也林氏伯仲賢乎哉

遠字思之今林氏家藏教子帖及素冠說尚存據廣州志

脩○君子曰林脩字溫公法而其諸孫興於禮義品治之子學為箕裘信矣獨其捐財脩塔與不用浮屠之說若相悖然語曰輸不掩瑕脩之謂歟

藍奎字秉文程鄉人性強記書不再閱家無圖史或假於友越宿則歸之問之輒能成誦嘗有詩云懶思

身外無窮事願讀人間未見書其志學如此第進士官文林郎郡博士嘗授詔校文福州文章氣節稱為

藍夫子云據潮州志脩

劉富南海人仕試將作監主簿熙寧元年知廣州張

田徙郡學于國慶寺之東未及營造而田卒富納貲

獻材戮力以自效殿堂節序次第將完轉運使陳安

道以為卑狹而止之繼田任者程師孟蔣之奇發官

貲庀成之富復以負郭之田摠其直與費為錢五十

萬資于學懷化將軍辛押陀羅者蕃酋也聞風興起

亦捐貲以完齋宇且售田以增之復置別舍以來蕃

俗子弟之願學者鬻舍之成廩食之備富之功居多

據廣州人物傳脩○宋末校書郎東莞黎友龍者亦捐貲脩邑學近弘治間建崖山全節廟大忠祠新會義民趙思仁助錢二千皆可謂見義勇為者矣君子曰浮屠老氏之宮金碧晶如門廡翼如見而膜拜

望而俯趨少或頽毀爭捐施以求福田利益而吾夫子文廟蓋有鞠弄蔬穴狐兔者矣任政教者視辛懷化能無此其類乎劉富之用財蓋賢於林脩遠甚彼競雖可以自私而事脩拾剝膏脂以自肥而忽風化皆富之罪人也

劉晞韶州翁源人登熙寧庚戌進士第博學洽聞有
家九流之書無所不窺哲宗時歎歷中外崇寧中置
廣南東路提舉學事司掌州縣學政歲巡所部以察
師儒優劣生員勤惰而專舉刺之任以晞爲之其教
士子立課程懸賞罰責實行崇信讓雖鄉曲一無所
私自是人材輩出宣和三年罷歸士林稱之據韶州志脩
丁璉字玉甫番禺人也少有才名杜門讀書如坐山

谷講明經學遠近從之受業者羅獲于外元豐二年
登時彥榜進士始授融州司戶歲侵民梃聚爲盜立
法賑濟邑境獲安監司以功列薦于朝遷宣教郎尋
拜大府丞兼知祿庫改朝議郎賜銀魚元祐六年靈
州爲夏人所侵廷紳合議討之璉言于朝以爲天下
之患當先其大者苟知所豫防則織介之患可不勞
而除契丹猖猾積有年所朝廷未有以制讐之此元
昊餘孽之所以敢肆而不加憚也請休士氣養精銳
儲財粟專意北邊以爲豫備之計則西賊之膽落矣
然後以餘力討之未晚也當國者惡其言出爲桂州

州學教授訓迪有方人材多所造就紹聖初以知已
薦授左朝散郎知連州郡多水害璉相地勢築隄防
民甚便之陽山境有銀坑流民多匿其中夜每劫掠
為盜設計捕獲聞郡以寧元符三年轉朝散大夫賜
緋魚致仕卒年七十三璉性廉潔與物無忤而政號
剛明博學多識退藏若愚鄉鄙稱其長者知廣州蔣
之奇以才自負意每輕廣南士大夫嘗泛舟與璉同
遊七曜石劇談至三鼓驚曰君問學精博中州士不
如也又為詆語道廣州事曰景有沉珠浦人有丁玉
甫吾來嶺服其無聊所愛者特此而已

據廣州人
物傳錄

姜唐佐字公弼瓊山人從東坡蘇軾學軾甚重其才
行嘗跋其課冊云雲興天際欵若車蓋凝日未瞬瀾
漫震響驚雷出火喬木靡碎殷地勢空萬夫皆廢懸
溜縷墜日中見沫移晷而收野無完塊蓋極狀其文
氣雄偉磊落倏忽變化也後遊廣州學有名中鄉薦
崇寧二年隨計過汝陽穎濱蘇轍亦稱其氣和而言
道有中州士人之風其後曰化符確大觀間得舉官
至承議郎知韶化二州瓊海自此遂多賢科矣

參
脩

石汝礪英德人號珀落子少穎敏讀書過目成誦自

以生長嶺峯局於聞見乃踰嶺而之江西從聞人遊
 久而有得五經多有講說於易尤契微妙常曰易經
 不須註但熟讀則見互相發明總一乾元亨利貞之
 道晚年進所著易解易圖于朝為荆公所抑蘇軾謫
 惠州遇之聖壽寺與之談易及談羅浮之勝至日暮
 方散汝礪有水車記刻南山石壁明於樂律以琴為
 準所著有碧落子琴斷一卷行于世鄭樵最稱之據
 州志通志
 略參脩
 霍暉字明甫南海人篤志向學故與馬子才遊子才
 者鎮南節度推官鄱陽馬存也暉之為文也淵雋奇

古不與俗合或勸易其習乃質諸存存以序送之蓋
 推許之也其略曰予讀書至盤庚三篇周公之誥如
登太行之崎嶇劍閣之道羊腸九折之險一步一止
而九嘆息也如夷狄蠻貊窮荒萬里之人聽華人之
音累數十譯僅乃通當時之人號曰告令於一日之
間何自而知之也當時之學士大夫借曰知之可也
田夫野叟閭巷之徒何自而知之切意三代之民家
家業歸人人有士君子之識所謂道德仁義之意性
命之說典誥之語一聞見而盡識之非上之人好為
聾牙倔強以驚拂之也蓋其所習者素曉也南海霍
公好古文日夜習誦之也蓋其所習者素曉也南海霍
之有不能成句者以是連不得志於有司同進之士
時或疑怪頗自悔欲為新麗軟熟之習以易業而見
謀於予予曰子必勉之三代之文章民之所知也後
之學者有所不知也當時以為常言相告語後世之
註釋者不能竟也其後世之學者不如三代之民也
非子之耻學者之耻也
 初皇祐間新會龍山之水色變而

爲紫者旬日人皆以爲瑞晞獨持論以謂清者水之
真體也變而爲紫非正色也其必水之怪乎水陰物
也陰之類爲小人爲夷狄爲盜賊姦宄今水失其常
性吾恐其關於國家者大也因記其事其特立獨見
此類也後蔡京童貫輩當國有金人之變江南盜賊
蠡起皆如言元哲初入大學時詔舉八行人以晞之
脩已教於家者無間言遂以應命官終海豐縣尉時
東莞王知亦有學行同預是科廣之士以八行著者
晞暨知二人而已鄉評咸謂無媿色云知未及仕而

卒

據廣州志脩

陳希伋字思仲揭陽人宋元豐間兩冠鄉書首薦漕
臺肄業太學十餘年聲譽日著士人目爲廣南夫子
上書陳利害數萬言皆切中時病復薦太學生馬錫
有文武才乞加擢用元祐間舉經明行脩時賜策者
三百四十六人希伋爲第一知梅州時朝廷下諸州
取黃砂牛皮及出內庫錢買真珠以備國信諸州郡
皆供應希伋獨不忍敷取於民乃上封事奏免州人
德之卒於官所著文四百餘篇號揭陽集據潮州志
歐陽脩云士之所負者愈大則其自顧也愈重自顧
愈重則其合也愈難當宋熙豐間天下多事希伋時
方在太學已上書數萬言指陳時病其所自負不淺
矣而未聞其時有能知之者及元祐群賢彙進希伋

於時應詔而起遂舉為多士先知名當世亦晚矣使
得居顯位與論國大計則所建白豈出諸賢下哉而
僅得一州其殆所謂自重而難合者
非耶用不究其才以歿君子惜之

黎子雲儋州人居州東二里許昆弟貧而好學城
南有別墅所居皆林木水竹清幽瀟灑蘇軾雅敬禮
之每與弟載酒過從請益問奇日相親炙作歌有寂
寞兩黎生食菜真臞儒之句一日軾往訪之遇兩從
農家借笠着屐道上婦人小兒相隨爭笑邑犬群吠
子雲兄弟恭敬自將送軾至館未嘗懈也因名其別
墅曰載酒堂云據瓊臺志氏族大全參脩○竹坡周
小隱詩持節休誇海上蘇前身應是
牧羊奴為嫌朱紱當年夢故作黃冠一笑娛遺跡與
公歸物外清風為我襲衣襦憑誰喚起王摩詰畫作

東坡戴笠圖

黃洞字明達南海人性度玄曠博學能文自經史百
家以至浮屠老子之書罔不究心焉舉進士于鄉數
奇竟不得雋南省元祐初蔣之奇知廣州初下車即
聞洞名遂與之相往還談今古罄底裏終日由由然
不相舍也時或出筆札互倡酬之奇自以為不及好
談神仙變幻之術嘗言有蓬萊女仙降于洞家者再
時之奇即為作傳以顏魯公自擬而以蔡經謔之
會妖人構亂洞為之奇書計先事平之奇最其才
能紹聖改元蘇軾以寧遠軍節度副使安置惠州時
往來南海洞又與軾遊焉嘗同軾登鑿空閣軾賦詩

有曰黃子寒無衣對月句愈發者即謂洞也元符三年十一月軾被命北還洞與吳復古何崇道李公弼林子中穎堂通三長老自番禺追餞至清遠峽同遊廣慶寺而後返洞為詩瑰奇時出新意為人所傳誦然志大才踈竟不及顯庸云據東坡集廣州志參脩

吳復古字子野揭陽人志趣超逸以父為侍講志失其各當陰官遜于庶兄居父母憂廬于墓者三年手植木墓傍又以餘力葺治園亭教養子弟後遺去妻子築庵居潮陽直浦都麻田山中絕粒不食間出遊四方遍交公卿然一無所求每論出世法以長生不死為

餘事煉氣服藥為土苴待制李師中於世少所屈及見復古稱曰白雲在天引領何及蘇軾與其弟轍暨一時名士皆傾下之軾嘗問養生復古對以曰安曰和及軾南遷見於真陽無一言及得喪休戚事獨曰邯鄲之夢猶足以破妄而歸真今子目見其身履之亦可以少悟矣軾嘗為作遠遊庵銘序曰吳復古子亭曰吳復古子

喜不憂不剛不柔不惰不脩吾不知其何人也昔司馬相如有言列仙之儒居山澤間形容甚臞意甚鄙之乃取屈原遠遊作大人賦其言宏妙不遺而放今子野行於四方十餘年矣而歸於南海之上必將俯仰百世奄忽萬里有得於屈原之遠遊者故以名其庵而銘之曰悲哉世俗之逼隘也願從子而遠遊子歸不來而吾不往使罔象乎相求問道於屈原借車

廣輿記卷五

四

四

於相如忽然不自知歷九歲而過崇丘宛今相逢乎
南海之上昭龜歲而食蛤蜊者必子也庶幾為我一
 笑而少復古歸隱居麻田有疾不服藥但屏却其肥
 妻子問以後事笑而麾之倏然而逝軾復為文祭之
 墓在麻田紹興初黎盛寇州州南七里俱燼望其故
 居曰是蘇黃門藏圖書處也麾兵救之旁舍賴以免
 有子苾仲能文章善書札嘗作歸鳳賦軾甚稱之嘗
 與復古書曰少時在冊府嘗及接見先侍講下風死
 生契濶相遇江湖感歎不已又有與吳秀才書即苾
 仲也蓋軾與復古三世交游而復古卓爾不群可謂
 嶺海高士今子孫蕃衍據東坡集潮州志參脩○蘇軾祭吳子野文嗚呼子野道

與世違寂然自求闔門垂帷兀然坐忘有似子微或
 似壺子杜氣發機適交公卿靡所求希急人緩已忘
 其渴饑道路為家惟義是歸卒老于行終不自非送
 我北還中道弊衣有疾不藥但却其肥問以後事一
 笑而麾飄然脫去雲散露晞我獨何
 為感歎歎歎一醉告訣逝舟東飛

王霄字霞舉儋州人嘗事東坡蘇軾筆硯間年餘七
 十發貢至京住辟雍者三年建炎初歸鄉潛德不仕
 李光以宿學稱之年至九十六衆推為鄉先生妻吳
 氏亦年九十餘郡守以聞霄授初品官吳封孺人又
 有符林者亦儋人蘇軾稱其安貧守靜謂之老符秀
 才軾嘗過訪有詩序云海南人不作寒食而以上已
 在因與飲至醉詩云老鴉啣肉紙灰飛萬里家山安
 在哉蒼耳林中太白過鹿門山下德公回管寧投老

終歸去王式當年本不來記取城南上
已日本綿花落刺桐開○據瓊臺志脩

鞠杲化州吳川人舉進士元符中入汴京上書排章

淳等罪辭極抗直淳怒以杲隸黨藉善類聞者莫不

壯之據高州志脩

梅蟠歸善人元豐中舉進士授迪功郎多才博學鄉

人稱曰梅夫子凡惠之江山多所留題詩蓋千篇據

州志脩

石處道字元叟德慶人自幼聰敏築室篤志讀書鄉

人因其所居之村及水皆名書堂登元豐五年進士

知松江縣以清白稱政暇祭為詩詞有松江集官至

朝奉郎祀于鄉賢祠據德慶志脩

吳國鑑雷州海康人紹聖中為太廟齋郎後退居于

家先是寇準謫雷州人有舍之者為丁謂所害自是

無人敢舍遷客及蘇轍安置雷州莫謀所止國鑑慕

義而不顧害特創一室館之轍與之立僦券章淳杲

謂其強奪民居下州追治以僦券甚明而止國鑑因

是不復仕進世稱其高致據雷州志脩

徐信南雄保昌人皇祐壬辰進士蘇軾謫海南造其

書齋見信作甘露寺詩平地風烟飛白鳥半空雲木

捲蒼藤軾以橫字易飛字信迺嘆服據南雄志脩

陳仲輔歸善人博學善屬文工於隸篆為世所重嘗
作枕屏篆五箴文遺侍講陳鵬飛鵬飛以詩答之極
其獎賞晚以特科授邕管察推鵬飛贈以詩附鵬飛
一幅鵬溪絹中有五箴排小篆古字今文認未了火
劑針錐俱暝眩平生卷袖有膏盲首尾年來逾錯亂
剗儲藥物走醫門掉頭嘔冷不下咽一落泥頭千丈
強謝君欲拯非手援銀鈞小變科斗文挂我床頭星
斗爛退之處事陽冰手驅逐習氣車輪轉光芒照耀
肝膽醒兩眼頃看決如霰門前惡草鋤又生我病七
年行復玩會須着意課兒童日日床頭誦千遍又幕
下誰人識果之微聞贊畫向蓮池登樓不恨鄉關遠
柱笏只言山色音直道自能消鬼魅高人何處不軒
義他年坐上話銅狄可具蓬萊清淺時據惠大記脩
蕭雄字安道本吉州人僑寓樂昌父貧業農雄與兄
雅字安正弟維字安國皆力學肄業上庠後兄弟相

繼皆擢高第為嶺南盛事雄奉議郎桂陽守雅承事

郎廣州倅維宣教郎吉水宰皆有政蹟時稱蕭氏三

令君據一統志

劉允字厚中海陽人曾臆夷曠於經史百家以至天

文地理醫卜諸書莫不該貫甫冠四薦禮部登紹聖

四年何昌言榜進士初任循州戶曹剗革官倉宿弊

輸賦者惟正供無有橫費時郡守重疲兵卒雖給米

日猶令採木乃謹聚謀變露亦至庭下允以其意諭

遣之衆帖服改知程鄉縣歲旱州督租如故允極力

爭之會使者廉訪當具豐歉狀入奏遂以實聞得免

租例民戶歲輸軍衣布折納錢價三百官市貢布價
十有二百時主漕計者檄所部令民折納如官市之
直允堅不受命州趣之允曰儻使者怒不過逐令耳
乃具報云民折納者給軍士官歲市者供至尊可一
其價耶事遂寢權知化州化州濱海歲市玳瑁翠羽
以萬費允至悉罷之旬日間決難折宿訟百餘案吳
川煮鹽民蓄戎器以戒不虞令悉捕為盜以徼功賞
獄成允辯釋之全活五十餘人後除新循二州皆不
赴致仕卒于家所著文存者二百餘篇子昉龍圖閣
學士景舉賢良方正孫汶渭滋渙少集皆繩繩繼美

足徵有人焉據潮州志脩

侯晉升字德昭曲江人登元豐八年進士為程鄉令
與蘇軾兄弟往還款密家藏二公墨帖甚富軾一帖
云蒙示新論利害炳然文亦溫麗歎伏不已但恨罪
廢之餘不能少有發明爾後知南恩州賑卹窮寡禮
待英賢暮年而卒據韶州志脩
翟逢亨歸善人事母孝學問博洽邦人呼為翟夫子
居白鶴峰東讀書嘉祐寺蘇軾謫惠時與往還焉據

州志脩

王公輔儋州人俗呼王六翁世傳天文蘇軾甚重之

後折彥質亦與相厚一日具冠帶賀折曰夜來見天象公當內遷未幾彥質果會赦移彬公輔年一百三

歲而卒據一統志脩

成倬翁源人年二十餘始知讀書妻父母待諸壻不以少長惟力學與薦者上坐倬耻之發憤辭家遠方就學不數年通悟經術尤深易數熙寧間王安石用事以其通術寘門下懇歸公惜其志未遂特薦得右

選嘗為閣門祗候終西京左藏庫使據韶州志脩

梁順孫字景樞高要人明高州以兩貢辟雍賜廷對將

作郎出身歷陽江尉廣州左司理興寧新會令桂州

觀察判官監邕州橫山田州謹乃寧卑等峒金坑舊

制輸金監官多有所需峒丁苦之叛服靡常屢為朝廷患先時儂寇陸梁掠平民入峒凡數十年無一人

還者梁至撫諸峒以恩信不較其金惟從其便諸酋長悉聽服梁遂以身請歸其民民之從而歸者如市

州人德之有梁父母之稱未幾卒于官喪發之日民護送者數百里祀于名宦祠以狀聞于朝朝廷嘉之

官其子嚴諷累官朝請郎知韶州次子嚴穆累贈中

奉大夫其子孫累世仕宦據一統志肇慶志南寧府志參脩

鄒大昕字東啓河源人也政和二年進士僉判廣州

廣之東道濱海舟楫往來恒患飄溺大昕因規度鹿
步寤鑿之東起東州西接黃木灣延袤十餘里人到

于今便之據惠州志脩

鄭敦義滇陽人知潮陽縣官市牛皮峻急乃上書言

黃牛善耕農視之如子哲宗下令止之徽宗即位又

上書陳成周所以長久者在於得民心暴秦所以短

促者在於失民心詔遷一階為來者勸據韶州志脩

張漸南雄保昌人下帷力學博通經史登熙寧九年

進士第歷官朝請大夫既仕益工於詩文所著有沙

田集今不存據南雄志脩

李熙載字作先德慶人幼而穎悟及冠博學能文元

豐八年登進士元符間為廣南西路計度轉運使政

聲著聞賜祿論官朝請大夫有詩詞行于世今祀于

鄉賢祠據德慶志脩

李南仲英州滇陽人少穎悟日記數千言閱數月師

友誥之間書朗誦一字不差十歲舉神童遂中童子

科元豐以後賜出身者五人南仲其一也授從事郎

歸省其親自以學未大成遜于羅浮之麓誦讀不輟

提舉儒學司韓謹劉晞皆重其文行人名其地曰李

秀岩云所著有羅浮賦其略曰羅浮二山東西相連通句曲之洞號朱明之天

廣東通志卷之二十一

接大江之外，岷起滄溟之墟，乃百粵群山之祖。與南岳而齊，肩鐵橋鎖，絕頂石樓，峙乎半嶺。登覽遐極，二峰迴谿，峻谷巖嶒，崑崙崑崙，崑崙崑崙，崑崙崑崙。電岷竹茂，龍葱蔚，五色靈藥，千叢叢，難通祥雲，瑞霧晝夕，朦朧時有，岸憤羽服，野人山翁，忽去倏來，不知其蹤，謂長生而久視，亦往往寓乎其中。時有萬船，乘風不知，西東，瞻我峻極，烟花蒙茸，洞谷黑昏，開乾坤，呼吸，號召，鬼神，奏奔徐而萬籟，息朝霞，暎日月，晃耀氣象，始温又或五夜，蕭森樂池，奏音彷彿，仙籟彈絲，擊金疑有雲和之，疑空桑之琴，青谷闕邃，列仙下臨，聚會靈族，朋來盍簪，列席環坐，開廓冲襟，踈極廣庭，寶除翠林，海挑霞，噪左右，酬斟樂真，言之恬澹，憫世網之浮沉，倏然往來，不繼以淫，瞬息萬里，敢騰馭之，駸駸變化，倏忽孰能究尋，其上則有惟金三品，換桐柝梓，翡翠羽毛，虎豹犀兕，竹箭川砂，絺纈絲枲，角柝柝元龜象齒，石蜜山蕉，黃精白芷，蛾眉龍骨，桂香，桐子先供，宮以克庭，何九州之敢擬，真足以燦上國。

之章增星家之盛，美矧大當祝融之宅，位贊真主，以乘離雲行雨，施產英孕，奇其在國家有大禱，祈將使奔走帝誠，肅祗投金龍，與玉板指，道以交馳，將事之夕，明靈鑒斯，乃至翔鸞舞鶴，繞殿紫芝，仙壇祭訖，宣室受釐，萬有景福，允王保之，帝子王孫，慶流本支，獻南山之壽，歌天保之詩，與夫他山，頽壁徒當乎四達之達，聖飾別館，止可事乎遊嬉，於功業兮，何補於造化兮，河神豈止，增高福地，薦美於基，鞏固四極，鎮安外夷，巍巍隆隆，無騫無虧，宸毫秘軸，文其後南采，威猋瑞謀，顯著又奚論乎，真區之遠而，羅浮志參脩仲大觀，初以奉議郎知康州，以治行聞，據英州舊志張書言，番禺水西人，化今從縣，其先家世本山東，祖士元仕至中憲大夫，提刑廣南東路，因留居焉，父約以學究奏名書，言少博學，有令譽，元符三年進士及第，宣和初為廣東市舶提舉，制驗收法，蕃夷便之，以憂去。

廣東通志卷之二十一
傳八
四八

父之復至人皆愜望借紫金魚袋後遷朝議大夫瓊
 管安撫大使所至皆有惠政嘗立弓箭社不論家業
 高下戶出一人乃自相推擇家資武藝為眾所服者
 為社頭次為社副有警即率弓箭手以備戰洞俚畏
 之兄書行官亦至朝列大夫兄弟蟬聯為一時衣冠
 之望云據宋志從化志參脩○書言卒
 葬邑南之義嶺其數世墓在焉

李元芳廉州石康人崇寧間上書論廣西便民十事
 稱旨累遷朝奉大夫知高貴二州有治行據一統志脩

梁昭德歸善人政和中以三禮出身授循州僉判有
 治狀與邑人陳伯脩李文輔為友鄉黨咸重之號曰

三善士唐庚謫惠交游甚密復官北歸為賦別二子

詩附歸心如躍馬奮迅不可駐別情如放猿已去猶
 反顧二年孺子社數借杜史書好在五噫殮善

保千金軀舊來談天口老去盡地力萬
 聖不相忘寄聲問眠食○據惠大記脩

馮安上英德人父宙登大觀三年進士安上政和二

年進士父子聲名燁於嶺海而安上歷吉州別駕移

廣州擢知梧州軍所至咸有聲稱無愧科目族子晦

字文顯少篤學師於寅大有心得尤工於詩賦教授

生徒率敦德自好著南山雜詠傳于世據韶州志脩

張夔字致堯潮州人登政和八年進士宰茂名邨豪

戶賄黜賊贖吏有廉名諸司薦章有云南中諸縣清

介一人高宗特賜璽書獎諭擢判廉州廉產沉香生
金官此者皆囊括以歸夔一毫無取又能化諭群盜
令投弋自散遷知新州首興學校捐俸梓五經以頒
民間子弟築陂豬水灌田千餘頃民稱張侯陂前後
皆以清節著高宗嘗書其名于屏曰南有張夔北有
周昕夔五十登第七十致仕卒年九十三所著有文
號祿隱集子昌喬通判容州夔嘗示以詩云慎勿與
人交水火好尊名節重丘山後政瓊州持身謹飭能
不替其父風據潮州志脩
梁頽字微之其先京兆萬年人祖旻佐慕番禺屬劉

氏稱南漢據有嶺南頽耻非王命不從所署遜于東
筦人稱其高宋朝統一區夏遂占籍高要頽秉奇節
強學篤行信於朋友詞章尤贍補武仙簿歷鬱林尉
封川司戶參軍悉著能聲年及掛冠以疾乞休朝廷
嘉之遷光祿寺丞致仕卒于家其子揆事親盡孝執
父之喪廬于塚傍朝夕涕泣哀毀踰禮凡六年乃除
耆老以狀白長吏表聞于朝詔郡縣以時存問賜之
粟帛以旌其孝掌選補者以揆至奪行而官之據肇慶志
脩



廣東通志卷第五十六

[Faint vertical text columns within a grid, likely bleed-through from the reverse side of the page]

